


宋槧太平御覽





太平御覽卷第七百八十八

四夷部九

南蠻四

羅門于頓遜國

羅刹南東謝蠻

王羅刹國

南世異邊沫四國

羅亦末金利毗逝國

羅羅墮婆登國

西香日哥羅舍分國

羅天竺

南史曰頓遜國在海崎

曲岸也



金澤

太平御覽 卷七百八十八 四夷部九 南蠻四



有五王並羈屬扶南頓遜人東界通交州羅賈人其西界接天竺安息徼外諸國往還交易其市東西交會日有萬餘人珍物寶貨無所不有

唐書曰頓遜國出霍香插枝便生葉如都梁以裋衣國有區撥等花十餘種冬夏不衰日載十車貨之其花燥更芬馥亦末爲粉以傅身焉

南州異物志曰典遜在扶南三千餘里本爲別國扶南先王范蔓有勇略討服之今屬扶南竺芝扶南記曰頓遜國屬扶南國王名崑崙國有天竺胡五百家兩佛圖天竺婆羅門千餘人頓遜敬奉其道嫁女與之故多不去唯讀天神經以香花自洗精進不捨晝夜疾困便發願鳥葬歌舞送之邑外有鳥啄食餘骨作灰嬰盛沈海鳥若不食乃藍盛火葬者投火餘灰函盛埋之祭祠無年限又有酒樹似

安石榴取花與汁停甕中數日乃成酒美而醉人

毗騫國

南史曰毗騫國俗有室屋衣服噉粳米其人言語小異扶南國內不受賈客有往者殺而噉之是以商旅不敢至王常樓居不血食不事鬼神其子孫生死如常人唯王不死扶南王數使與書相報答常遣扶南王純金五千人食器形如圓盤又如瓦壺名爲多羅受五升又如椀者受一升竺芝扶南史紀曰毗騫國去扶南八千里在海中國王身長三丈頸長三尺自古以來不死知神聖未然之事亦有子孫子孫生死如常人唯此王不死耳號曰長頸王食器皆純金金如此閒之石無缺限也不聽妄取有偷者知則殺食之長頸王亦能作天竺書自道宿命所經與佛語相似作書可三千言皆道世事其國法有罪者共在王前食



之平常不暇人也  
梁書曰丹丹國中大通二年其王遣使奉表送象牙及畫塔二軀并獻火齊珠古貝雜香藥大同元年復遣使獻金銀琉璃雜寶香藥等物

隋書曰丹丹國在多羅摩羅國西北振州東南

振州今延德郡朱雀

上同鳥王姓利利名尸陵伽理所可二萬餘家亦置州縣以相統領王每晨夕二時臨朝其大臣八人號曰八座並以婆羅朝為之其王每以香粉塗身冠通天冠掛雜寶瓔珞身衣朝霞足履皮屨近則乘輿遠則馭象其攻伐則吹鼙擊鼓兼有幡旗其刑盜賊無多少皆殺之土出金銀白檀蘇方檳榔其穀唯稻畜有沙牛羖羊猪雞鵝鴨麀鹿鳥有越鳥孔雀果力果有蒲桃石榴瓜瓠菱蓮菜有葱蒜蔓

菁

唐書曰東謝蠻其地在黔州之西數百里內南接守宮獠

西連夷子北至白蠻土宜五穀不以牛耕世為畚田每歲一易俗無文字刻木為契散在山洞閒依樹為層巢而居汲流以飲皆自營生業無賦稅之事謂見貴人皆執鞭而拜有功勞者以牛馬銅鼓賞之有犯罪者小事杖罰大事殺之盜物倍還其贓婚媾之禮以牛酒為娉女歸夫家皆母自送之汝夫慙逃避經旬乃出譙聚則擊銅鼓吹大角歌舞以為樂好帶刀劍未常捨離丈夫衣服有衫襖大口袴以綿紬及布為之有肩土斜束皮帶裝以螺蚌虎豹猿狖及犬羊之皮以為外飾坐皆蹲踞男女椎髻以緋束向後垂下其首領謝元深既世為酋長其部落皆尊畏之謝



氏一族法不育女自云姓高不可下嫁故也貞觀三年元  
深入朝冠烏熊皮冠若今之鹿頭以金銀絡額身披毛帔  
韋皮行膝而著履中書侍郎顏師古奏昔周武時天下太  
平遠國歸款周史乃集其事為王會篇令萬國來朝至今  
如此輩章服實可圖寫今請撰為正會圖從之以其地為  
應州仍拜元深為刺史隸黔州都督府  
又曰南謝首領謝強與西謝隣共元深俱來朝見為南壽  
州刺史後改為莊州貞觀十三年正月西南番大酋長蠻  
州刺史資陽郡開國公宋鼎邛州刺史謝油音蠻州巴江  
縣令宋萬傳牂州錄事參軍謝文經黔中經略招討觀察  
使王礎奏前件刺史三年一度朝今年懇訴稱州接牂牁  
同被聲教獨此排擯竊自慙恥謹遣隨牂牁刺史授官其  
牂牁兩州戶口殷盛人力強大隣側諸蕃悉皆敬憚請比

兩州每三年一度朝賀仍依牂牁輪環差定并以才幹位  
望為衆推者充勅從之

西趙蠻

唐書曰西趙蠻在東謝之南其界東至夷子西至昆明南  
至西洱河音山洞阻深莫知道里南北十八日行東西  
二十三日行其風俗物產與東謝同首領趙氏世為酋長  
有戶萬餘貞觀三年遣使入朝二十一年以其地置明州  
即以首領趙磨為刺史

唐書曰南平蠻北與涪州接部落四千餘戶男子左袒露  
髮徒跣婦人橫布兩幅穿中而貫其首名為通裙其人美  
髮為鬕鬚垂於後以竹筒如筆長三四寸斜貫其耳貴者  
亦有珠璫土多女少男為婚之法女氏必先貨求男族貧



人無嫁資女多賣與富人為婢俗皆婦人執役其王姓朱氏號為劍荔王貞觀中遣使內附以其地隸渝州其地舊隸并州人羅刹國羅刹國羅刹國中而貫其許齊而並其其人美隋書曰羅刹國在婆利之東其人極陋朱髮黑身獸牙鷹爪時與邑人作市輒以夜晝日則掩其面煬帝大業三年使常駿等使赤土國致羅刹國

投和國投和國在南海大州真獵之南自廣州西南水行百里至其國王姓投和羅名脯邪乞遙理所城覆屋以瓦並為閣而居屋壁皆以彩畫之城內皆王室城外人居可萬餘家王宿衛之七百餘人每臨朝則衣朝霞冠金耳挂金環頸挂金縷衣敘連足履寶裝皮履官屬有朝請將軍總知國政又有參軍功曹主簿城局金威將軍贊理贊府

等官分理文武又有州及郡縣州有參軍郡有金威將軍縣有城局為其長官初至各選官僚助理政事刑法賊盜多者死輕者穿耳及頰私鑄銀錢者截腕國無賦稅俱隨意貢奉無多少之限多以農商為業國人乘象及馬一國之中馬不過千疋又無鞍轡唯以繩穿頰為之節制音樂則吹蠶擊鼓死喪則祠祀哭泣又焚屍以豐盛之沉於水中若父母之喪則截髮為孝其國市以所貿易皆用銀錢小如榆莢有佛道有學校文字與中夏不同訊其耆老云王無姓名齊枚摩王所坐塔圓似佛塔以金飾之門皆東開坐亦東向唐書曰貞觀中投和國遣使奉表以金函盛之又獻金蓋反若蓋金鎖寶帶犀象海物等數十品



隋書曰附國者蜀郡西北二千餘里即漢之西南夷也有嘉良夷即其東部所居種姓自相率領土俗與附國同言語少殊不相統一其人無姓氏附國在字宜縮其國南北八百里東西千五百里無城柵近川谷傍山險俗好復讎故疊石而居以避其患高至十餘丈下至五六丈每級丈餘以木隔之基方三四步其上方二三步狀似浮圖於下級開小門從內上通夜必關閉以防賊盜國有二萬家號令自主出嘉良夷政令繫之首師重罪者死輕者罰牛人皆輕捷便擊劍漆皮爲牟甲弓長六尺以竹爲弦妻其群母及其嫂兒弟死父兄亦納其妻好歌舞鼓簧吹長笛有死者無服制置屍高牀之毛沐浴衣服被以牟甲覆以獸皮子孫不哭帶甲舞劍而呼云我父爲鬼所收我欲報冤殺鬼自餘親戚哭三聲而止婦人哭必以兩手掩面死家

殺牛親屬以猪酒相遺共飲噉而瘞之死後十日而大葬必集親賓殺馬動至數十疋立其祖父神而事之其俗以皮爲帽形圓如鉢或戴羃羅衣多毛毼皮裘剥牛腳皮爲靴頂繫鐵鎖手貫鐵釧手與酋帥金爲飾胷前懸一金花徑三寸其土高氣候涼多風少雨土宜小麥青稞山出金銀多白雉水有嘉魚長四尺而鱗細大業四年其王遣使素福等八人入朝明年又遣其弟子宜林率嘉良夷六十八人朝貢欲獻良馬以路險不通請開山道脩職貢煬帝以勞人不許嘉良有水關六七十丈附國有水關百餘丈並南流用皮爲舟而濟

邊斗四國

隋書曰邊斗國一作都昆國都雅一作拘利國九雅一作比蒿國並扶南度金隣大灣南行三千里有此國其農作與金隣同



其人多白色都昆出好棧香霍香及硫黃其霍香樹生千歲根本甚大伐之四五十年木皆朽敗唯中節堅貞芬香獨存取爲香

唐書曰貞觀二年殊奈國遣使貢方物殊奈者崑崙人也

在林邑南去交阯海行三月餘日俗習文字與婆羅門同路絕遠古未常朝中國至是始通唐書曰甘堂國在大海之南崑崙人也貞觀十年與未俱婆羅國同日朝貢太宗謂侍臣曰南荒西域自遠而至其故何也房玄齡對曰當中國人安帝德遠被也太宗曰誠如公言向使中國不安何緣至朕何德以堪之

唐書曰金利毗逝國在京西南四萬餘里東去致物國二千里西去赤土國一千五百里南去波利國二千里柳衛國三千里其國有城邑庭舍衣朝霞白疊每食先泥上鋪席而後座國王名本多揚牙前有隊仗甲蓋貝多樹皮其風俗物產與真臘同

### 墮和羅國

唐書曰墮和羅國南與盤盤國北與迦邏舍佛東與真臘接西隣大海去高州五月日行貞觀十三年其王遣使貢方物二十三年又遣使獻象牙火珠請賜好馬詔許之

### 陀洹國

唐書曰陀洹國在林邑西南大海中東南與墮和羅接去交阯三月餘行賓服於墮和羅其王姓察失利字婆那土無蠶桑以白疊朝霞布爲衣俗皆樓居謂爲干欄貞觀十



太平御覽 卷七百八十一  
八年遣使來朝二十一年又遣使獻白鸚鵡毛羽皓素頭  
上有紅毛數十莖與翅齊及婆律膏仍請馬及銅鍾詔並  
給之

### 墮婆登國

唐書曰墮婆登國在林邑南海行二月東與訶陵西與迷  
黎車接北界大海風俗與訶陵同種稱每月一熟有文字  
書於具多葉其死者口實以金又以金釧貫於四支然後  
加以婆律膏及檀沉龍腦等香積薪以燔之貞觀中遣使  
獻金花等物王之所居堅木爲城造大屋重閣覆以椶櫚  
皮所坐床悉以象牙爲之亦以象牙爲席食以手掇之音  
患又以椰樹花爲酒飲之亦醉有山穴海湧而出鹽國人  
取食其國人有毒與常人同止宿即令身生瘡與之交會  
便死若涎液露著草木即枯其人身死不臭不爛

### 多蔑國

唐書曰多蔑國貞觀時通焉在南海外國界周迴可一月  
行南阻大海西俱遊國北波利利刺國東真隨洄國戶口  
極多置三十州不役屬他國有州郭宮殿樓櫓並用瓦木  
以十二月爲歲其物產有金銀銅鐵象牙犀角朝霞朝雲  
等布其俗交易用金銀朝霞等爲賈百姓二十而稅一五  
穀菜蔬與中國不殊

### 多摩國

唐書曰多摩國長居國長居於海島東與婆鳳西與多隆  
南與半支跋華言五山也北與訶陵等國接其國界東西  
可一月行南北可二十五日行其王子先龍子也名骨利  
骨利得大鳥卵剖之得一女子容色殊妙即以爲妻其王  
尺羅劬備伊說即其後也顯慶中遣使貢獻其俗無姓王



居以柵爲城以板爲屋坐師子座東向衣物與林邑同勝  
兵二萬人無馬有弓刀甲稍婚姻無同姓之別其食器銅  
鐵金銀所食尚酥乳酪沙糖石蜜其家畜有羖羊水牛野  
獸有麀鹿等死亡無喪紀之制以火焚其屍其音樂略同  
天竺有波那婆宅護遮奄磨石榴等菓多甘蔗從其國經  
薩盧都思訶盧林邑等國達於交州

哥羅舍分國

唐書曰哥羅舍分國在南海之南接墮和羅勝兵二萬人  
其王蒲越伽摩顯慶五年遣使朝貢

杜薄國

唐書曰杜薄國在扶南東漲海中真渡海數日其  
人色白皙皆有衣服國有稻田女子作白疊華布出金銀鐵  
以金爲錢出雞舌香可含以香不入服雞舌其爲水也氣

辛而性厲禽獸不能至故未可識其樹者華熟自零隨水  
而出方得之杜薄洲有十餘國城皆稱王

烏篤國

唐書曰烏篤國在中天竺南一名烏伏那地方五千餘里  
百姓殷實人性懦弱頗詭詐九工禁術篤信佛法文字禮  
儀略同天竺自古不通中國貞觀中其王達摩因隨訶斯  
遣使獻龍腦麝香等八十八

薄刺洲

唐書曰薄刺洲隋時聞焉在拘利南海灣中其人色黑而  
齒白眼正赤男女並無衣服一名勃梵洲

抱林子云勃梵洲在董綠水膠所出楓脂矣所以不可多  
得者正患狃獯獸啖人結音詰此獸大者重十斤狀如水  
獺其頭身及他處了無毛唯從鼻上以黃脊至尾上有毛



廣共寸許青長三四分許其無毛處則如韋囊人張捕得  
之斬刺不傷積薪烈火縛以投火中薪盡而此獸不焦須  
以大杖打之皮不傷而骨都碎盡而死

太平御覽卷第七百八十八

魏書曰自晉國於天竺南一各品外賦賦文正午始里  
其城還實人推贈晉國南次王業所遺前帝若文宇登  
書書曰自晉國於天竺南一各品外賦賦文正午始里  
其城還實人推贈晉國南次王業所遺前帝若文宇登  
書書曰自晉國於天竺南一各品外賦賦文正午始里  
其城還實人推贈晉國南次王業所遺前帝若文宇登

太平御覽卷第七百八十九

四夷部十其外餘焉其蠻語音而以其外蠻南王祖  
天曰南蠻五頭嚴國臨立三十六平南又音也其蠻四介  
南詔蠻又嚴國驃國 暴蠻等部落

吐濫

嚴王勿鄧嚴嚴所金大賧 南瀘

量水川曰吾且彌諾國 彌臣國

崑崙國 小婆羅門國 夜半國

南女王國 獨錦國 弄棟國

清蛉蠻 長禪國 施蠻

磨些蠻 撲子蠻 尋傳蠻

裸形蠻 其望子蠻 望蠻

黑齒諸蠻 繡面蠻 穿鼻蠻

長鬚棟鋒蠻 范蠻 堂魔蠻

太平御覽 卷七百八十九 九



南詔蠻

唐書曰南詔蠻本烏蠻之別種也姓蒙氏蠻謂王為詔自言哀牢之後代居蒙舍州為渠帥在漢永昌故郡東姚州之西其先渠帥有六自號六詔兵力相埒各有君長無統帥蜀時為諸葛亮所征皆臣服之

又曰南詔蠻國初時有蒙舍龍生迦獨迦獨生細奴邏高宗時來朝細奴邏生邏盛武后時來朝其妻方娠邏盛次姚州聞妻生子曰吾且有子死於唐地足矣子名盛邏皮邏盛至京師賜錦袍金帶歸國開元初邏盛死子盛邏皮立盛邏皮死子皮邏閣立

又曰南詔蠻皮邏閣嗣立三十六年詔授特進封越國公賜名曰歸義其後破洱阿蠻洱音而以功策授雲南王歸義漸強盛餘五詔浸弱先是劍南節度王昱受歸義賂奏

六詔合為一詔歸義既併五詔服羣蠻破吐蕃之衆兵日以驕大遂徙居大和城天寶四載歸義遣孫鳳迎異來朝授鴻臚卿歸國恩賜甚厚

又曰閣羅鳳襲封王無何鮮于仲通為劍南節度使張虔陀為雲南太守仲通褊急寡謀虔陀矯詐過下不以禮舊事南詔嘗與其妻子謁見都督虔陀皆私之又有所徵求閣羅鳳多不應虔陀遣人罵辱之仍密奏其罪惡閣羅鳳忿怨因發兵反圍虔陀殺之後遣使謝罪仍與雲南錄事參軍姜如芝俱來請還其所虜掠且言吐蕃大兵壓境若不許當歸命吐蕃雲南之地非唐有也仲通不許因其使進軍逼大和城為南詔所敗自是閣羅鳳北臣吐蕃又曰閣羅鳳死其孫異牟尋為王牟尋頗知之書有才智善撫其衆吐蕃役賦南蠻重數又奪諸蠻險地城立城堡



歲徵兵以助鎮防牟尋益厭苦之有鄭回者本相州人天寶中授嵩州西瀘縣令嵩州陷爲所虜閣羅鳳以回有儒學更名曰蠻利甚愛重之命教鳳迦異及異牟尋立以回爲清平官事皆咨之回嘗言於牟尋曰自昔南詔嘗款附中國中國尚禮義以惠養爲務無所求取今弃蕃歸唐無遠戍之勞利莫大焉牟尋善其言謀內附者十餘年矣會劍南西川節度使韋臯招撫諸蠻甘烏星虜望等歸化聞牟尋之意因諸蠻寓書於牟尋且招懷之牟尋乃斬吐蕃使去其所立帝號以歸我仍請復南詔舊名初吐蕃因爭北庭與迴鶻大戰死傷頗衆乃徵兵於牟尋須萬人牟尋欲因以襲之乃示寡弱謂吐蕃曰蠻軍素少僅可發三千人入蕃五千人戍吐蕃乃將數萬踵其後晝夜兼行乘其無備大破吐蕃於神川鐵橋遣使告捷帝乃命兼御史中

丞表滋持節冊南詔王仍賜金印曰貞元冊南詔印  
又曰貞元十年南詔王遣使蒙湊羅棟來獻鐸槃浪人劍

驃國

唐書曰驃國在永昌故郡南二千餘里其國境東隣真臘西接東天竺南盡溟海北通南詔些樂城界東北距陽直咩城六千八百里往來通聘迦羅婆提等二十國役屬者道林王等九城食境土者羅君潛等二百九十八部落其王姓困沒長名摩羅惹其國相名摩訶思那其王近適則輿以金繩床遠適則乘象嬪妃甚衆常數百人其羅城構以磚甃周一百六十里壕岸亦構磚相傳本是舍利佛城城內有居人數萬家佛寺百餘區其堂宇皆錯以金銀塗以丹彩施以紫鑛覆以錦罽其俗好生惡殺其土宜菽粟稻稌無麻麥其理無刑名桎梏之具犯罪者以竹五十本



東之復犯者撻其背數止五輕者止三殺人者戮之男女十歲則落髮止寺舍依桑門至二十不悟佛理乃復髮為居人其衣服悉以白氎為朝霞繞腰而已不衣繒帛云出於蠶為其傷生故也君臣父子長幼有序華言謂之驃自謂突羅成闍婆人謂之徒里掘古未嘗通中國貞元中其王聞南詔異牟尋歸附心慕之八年乃遣其弟悉利移因南詔重譯來朝又獻其國樂凡十曲與樂工三十五人俱樂曲皆演釋氏經論之詞意以悉利移為試大僕卿南夷志曰驃國在永昌南七十五日程閣羅鳳所通也其國用銀錢以青磚為圓城周行一日程百姓盡在城內有十二所堂當國王所居門前有大象露坐高百餘尺白如霜雪俗尚廉耻人壯和善少言重佛法城中並無宰殺又多推步天文若有訴訟者王即令焚香向大象思惟是非

便各引退或有災疫王亦焚香對象悔過自責男子多衣白氎婦人當頂為高髻以金銀真珠為飾餘着青婆裙又披羅段行必持扇貴家婦女皆三人五人在傍持扇與波斯及婆羅門接界西去舍利城六十日程疑此是東天竺也

暴蠻等部落

南夷志曰竹子嶺東有暴蠻部落嶺西有盧鹿蠻部落又有生蠻磨弥殿部落此等部落皆東爨烏蠻也男則髻女則散髮見人無禮節拜跪三譯乃與華通火部落則有大鬼主百家二百家小部落亦有小鬼主一切信使鬼巫相相服制土多牛馬無布帛男女悉被牛羊皮

南夷志曰勿鄧部落大鬼主夢衝地方千口里功部一姓



白蠻五姓烏蠻烏蠻婦人以白黑縑爲衣白蠻婦人以白縑爲衣下不過膝

南夷志曰大賧周迴百餘里悉是野蠻無君長地有瘴毒河賧人至中瘴者十死八九閩羅鳳嘗遣使築城於彼管制野蠻不逾歲死者過半遂罷弃其土肥沃種瓠長丈餘冬瓜亦然皆三尺圍又多慧技無農桑收此充糧三面皆是雪山其高造天

### 南瀘

南夷志曰瀘水蜀諸葛亮伐南蠻五月渡瀘處大如管川中氣候常執雖方冬行過者皆袒衣流汗

### 量水川

南夷志曰量水川在滇池南兩日行漢舊黎州地川中有

天池其水東南流出一石竇中水流甚廣石竇甚狹蠻云此竇忽空則百姓憂溺

### 彌諾國

### 彌臣國

南夷志曰彌諾國彌臣國皆邊海國也呼其君長爲壽彌諾面赤而長彌臣面黑而短性恭謹每與人語向前一步一拜國無城郭彌諾王所居屋之中有一大柱雕刻爲文飾以金銀彌臣王以木柵爲局海際水中以石師子爲屋四足仍以板蓋悉用香木王出即乘象百姓皆樓居披婆羅籠男少女多俗好音樂樓兩頭置鼓飲酒即擊鼓男女攜手樓中蹈舞爲樂在永昌城西南六十日程

### 崑崙國

南夷志曰崑崙國王北去西洱河八十一程出象及青木香旃檀檳榔琉璃水精犀角等物蠻寇嘗攻之爲其決水



淹沒進退無計餓死萬餘不死者去其右腕後放迴  
小婆羅門國  
南夷志曰小婆羅門國在永昌北七十四日程俗不食牛  
肉預知身後事出具齒白蠟越諾共大耳國來往蠻夷善  
之信通其國

夜半國

南夷志曰夜半國在蒼望城東北隔麗水城川原其婦人  
唯與鬼通能知吉凶禍福本土君長崇信之蠻夷往往以  
金購之要知善惡

女王國

南夷志曰女王國去驪州十月程往往與驪州人交易蠻  
嘗伐之中其藥箭百不存

獨錦國

南夷志曰獨錦蠻者烏蠻之苗裔也在秦臧川去安寧兩  
日程其族多姓李異牟尋母即獨錦蠻女也有季負藍貞  
元中為大將軍在勃弄棟川為城使等

弄棟蠻

南夷志曰弄棟蠻則白蠻苗裔也本姚州弄棟縣部落其  
地舊為襄州嘗有首領誤殺司戶懼罪率眾北奔在摩磨  
些江側貞元中異牟尋破吐蕃城邑獲弄棟城遷於永昌  
之地類皆其苗裔也  
南夷志曰清蛉蠻  
南夷志曰清蛉蠻亦白蠻苗裔也本清蛉縣部落天寶中  
嵩州初陷有首領尹氏父子相率南奔河賧閣羅鳳厚待  
之貞元中南詔清平官尹輔酋皆其人也衣服言語與蒙  
舍略同



長禪國

南夷志曰長禪蠻本烏蠻之後部落在劍川屬浪詔其俗皆衣長禪曳地更無衣服唯披牛羊皮

磨些蠻

南夷志曰施蠻本烏蠻種族也鐵橋西北大施賧小施賧劍尋賧皆其所居之地男以縉布為縵襠袴婦人從頂橫分其髮當額及頂後各為一髻男女終身跣足披牛羊皮

磨些蠻

南夷志曰磨些蠻烏種也鐵橋上下及大婆小婆三婆探覽昆池等川皆其所居之地土多牛羊一家即有羊群終身不洗手面男女皆披羊皮俗好飲酒歌舞

撲子蠻

南夷志曰撲子蠻勇悍捷以青婆羅段為通身袴善用

泊其竹弓深林間射飛鼠發無不中部落首領謂之酋其土無食器以芭蕉葉藉之

尋傳蠻

南夷志曰尋傳蠻俗無絲綿布帛披婆羅籠既足可以踐履捺棘持弓狹矢射豪猪生食其肉取其兩牙雙插項傍為飾又條其皮以擊腰每戰鬪即以籠子籠頭如兜鍪狀

裸形蠻

南夷志曰裸形蠻在尋傳城西三百里為巢穴謂之野蠻閩羅鳳既定尋傳而野蠻散居山谷集戰即召之亦無君長女多男少無田農衣服唯有木皮以蔽形或夫妻或五妻共養一丈夫盡日持弓下榻欄有外來侵害者則射之

苴望子蠻

南夷志曰苴望子蠻在蘭蒼江以西其人勇捷善於馬上



用槍所乘馬不用鞍跣足衣短甲纒蔽胷腹而已

望蠻

南夷志曰望蠻外喻部落在永昌北其人長夫負排持槊前無強敵又能用木弓短箭傳毒藥中入立斃婦人跣足以青布為衣懸珂貝巴齒真珠斜絡其身有夫豎分髮為兩髻無夫者頂後為一髻垂之地宜沙牛角長四尺以來婦人嗜乳酪

黑齒

南夷志曰黑齒金齒銀齒繡脚四蠻並在永昌關南雜種類如黑齒以漆漆其齒金齒以金鑲并裹其齒銀齒以銀有事見人則以此為飾寢食則去之皆當頂上為一髻以青布為通身袴又斜披青布條繡脚蠻則於踝上腓下周匝刻為文彩衣以緋布

繡面蠻

南夷志曰繡面蠻生六月則以針刺面青黛塗之如繡狀

穿鼻蠻

南夷志曰穿鼻蠻在柘東以徑尺金環穿鼻中隔下垂過頤君長即以絲繩繫使人牽起乃行其次者花頭金釘兩枚從鼻兩邊穿令透下

大長髯揀鋒

南夷志曰長髯揀鋒二蠻部落髯黑而長當額前為一長髯髯下過臍每行即以物撐起君長使兩女在前各持一物撐之令為南詔所摠

茫蠻

南夷志曰茫蠻部落並開南雜種也茫是其君之號亦呼茫詔從永昌城南先過唐封次鳳藍其次茫天連次茫吐



疇又有火賧茫昌盛恐他茫鮮茫施皆其類也樓居無城  
郭或漆齒衣青布衫膝篋纏腰紅絹布纏膝出其餘垂後  
爲飾婦人披五色婆羅籠孔雀巢人家樹上象如水牛俗  
養以耕田

棠麗蠻

南夷志曰棠麗蠻去安南林西原十二程俗養牛馬長與  
漢人博易大中八年經略使苛暴人將鹽一斗博牛或馬  
一疋因茲隔絕不來

太平御覽卷第七百八十九

太平御覽卷第七百九十九

四夷部十一

南蠻六

結臂國	羽民國	謹兜國
厭火國	三苗國	載國 <small>載徒</small>
交脛國	不死國	支舌國
三首國	焦僂國	長臂國
三身國	一臂國	奇肱國
丈夫國	巫咸國	女子國
軒轅國	白民國	長股國
無脊國	一目國	和利國
深目國	無腸國	聶耳國
跂踵國	大人國	君子國



